

October, 1621.

149.

Nieuwe

# Tijdinghe van Duytflant

met de Namen der Steden die den Hertoch van  
Beyeren in den Ouer-Pfalts heeft in  
ghenomen.

Oberghefet wt het Hoochduyts / in onse Ne-  
derlantsche sprake.

Eerst Ghedruckt den 15. October. 1621.



Chantwerpen / By Abraham Verhoeuen / op de  
Lombaerde Veste / inde gulde Sonne.




1711

# Erklärung der ...

... in ...

... in ...

... 1711



... in ...





Tijdinghe vvt Roomen van 18.  
September 1621.

**D**EN 17. is den Cardinael Bellarminus gestoruen/ende het Lichaem is in der Jesu-  
ten Kercke ghedraghen/ende den 18. deser  
zijn van de Cardinalen de Requien ghehouden/  
de doot van den Cardinael Bellarminus wert vā  
allen de werelt seer beklaght/midts zijn goet Le-  
uen/ende goede Leeringhe die hy dede.

In de Siciliaensche Zee vinden hun by dē an-  
deren 80. Hollantsche Schepen/ende andere Koo-  
uers/waer ouer hier op allen kostē. dobbelē wacht  
wozt ghestelt.

Ende in den mont oft Estrecho Gibraltar, leyt  
de Conincklijke Armade van Spagnien by den



anderen de Armade van Portugael / oft Lisbona ,  
 is daer by ghekomen / daer zijn neghen groote  
 Gallioenen / ende ontrent hondert Galleyen / met  
 noch eenighe Dorloch Schepen by / die daer alles  
 verwachten ettelijke Hollantsche Schepen / de  
 welcke op den wech zijn om wt Leuanten te ko-  
 men / de welcke de Estrecho Gibraltar moeten pas-  
 seren / wat datter dan om sal gaen / ist datse malca-  
 deren rescontreren / salmen vernemen .

Tijdinghe wt Venetien vanden 24. ditto.

8 Daer zijn twelf duysent Napolitaenders naer  
 Valtellina ghesonden / teghen de Graubuntenaers  
 ende Zwitzers, want men verstaet dat de Grau-  
 buntenaers die nieuwe Schantz ende de Stadt  
 Wormio souden verouert hebben / soo dat de crijch  
 hier ontrent noch niet ghedaen en is .

Het Gelt dat de Conincklijke Majesteit van  
 Spagnien naer den Kenfer in Duytslant gheson-  
 den heeft / is met een stercke Convooy van Solda-  
 ten gheconvooyert naer Duytslant .

Den Cardinael Delphin, ende den Marckgraeff  
 van Cobren Ambassadeurs van Vranckrijck , zijn  
 alhier in de Stadt ghekomen / de welcke alhier aen  
 dese Seignorie versoecken / dat de Paters vande  
 Compagnie IESVS wederom souden in Possessie  
 komen .

Den



5

Den Soldan oft Turck wilt met de ghantsche  
macht naer de Keusische Leimbach trecken / nu die  
Polacken van Hoscawt zijn / waer ouer in geheel  
Polen wederom een Vergaedinghe is / ende het  
volck wort ontboden / ende alsoo den iongen Prin-  
ce / des Coninc vā Polen Sone een fraey Crijch-  
man is / sal te veldē wederom trecken met 2. hon-  
dert dūp ent mannen / soo dat de Poolse sulcken  
groeten afbreuck doen aen den Turck / ende de  
Carteren datse daer van beuen .

Tijdinghe wt Weenen in Oostenrijck vanden

22. September, 1621.

De 17. deser isser een schoone plaetse by Kauters  
dorf / die Heydmuhl ghenaeemt is / afghebrandt  
gheworden / door de Rebellige Hungheren / ende  
hebben eenen Tocht ghedaen naer Steyrmarck /  
waer datse met roouen ende branden / en volck te  
vanghen veel schade hebben ghedaen / ende zijn  
wederom te rugge gherocken .

Mengaende van den Berhlehem Sabot / alsoo  
men van hem in langhen tijdt niet en heeft vernom-  
men / ende hy hem stil heeft ghehouden / midts een  
nen scheut die hy in den arm hadde ghekreghen /  
waer ouer hy hem gheretireert heeft / ende mē ver-  
meende hy doot was / is wederom bekomen. En  
heeft op een nieu ontboden aen die vā Presburgh /



hy wiltse wederom comen te vier ende te sweerde  
besoecken/waer ouer die van binnē wederom heb-  
ben ontboden / datse hem sullen verwachten met  
grooter Devotie, ende willecom heeten / alsoo zy  
ghedaen hebben/doen hy met den Leger vā Pres-  
borch moesten wijcken.

Binnen Presborch gaet de Best sterck voort /  
waer ouer alreets veel Wozghers ende Soldaten  
zijn ghestoruen.

Des keusers Velt-legher heeft hem heer gella-  
ghen in die Presburchsche quartieren aē der Ruyw/  
ende heeft hem aen de Donauw ghelept / soo zy vā  
der Schut waren ghetrocken / wat dat sy voorge-  
nomen hebben wilt den tijt leeren.

Den Marckgraef van Jaegherendoorp bevindt  
hun twee mijlen en half van Presborch/by Beth-  
lehem Gaboz/wat datse in den sin hebbē en weet-  
men niet/dan sy souden wel tot eenen Vrede wille  
tracteren/waer ouer den Graef Emerich Corso  
op Rabensburch/den Heere van Liechtsteyn toe-  
behoozende/ghecomen is / waer oock ghesonden  
sullen worden van s' keusers weggen/Heer Carel  
van Dietrichsteyn/den Heer Pzenner/ende ande-  
re meer/om met malcanderen te tracteren/Godt  
gheue datter eenen Vrede mach ghemaect wor-  
den/ouer vijf daghen is van hier eenen ffourier  
wech



7

wech ghesonden de welke de Quartieren is gaen bestellen.

Den 20. deser is zijne Hooch-Dozstelijcke Doorluchticheit / den Eerts-hertoch Carel van hier na Pressau gherepst.

Ende den Heer van Eggenberg / den oppersten Hoofst-meester / den Heer Kisol / oppersten Camer-Heer / ende den Heer van Hozspurg / ende den oppersten Capiteyn van de Guarde / zijn naer der Stiermarck gherepst.

Tijdinghe vvt den Ouer-Pfalts.

Het Mansueltsche volck hebben die plaetse ofc Dorp Hamborgh / waer wt dat de lieden te voren wech ghevlucht waren alles in den brandt ghesteken / ende noch van ghelijcken ghedaen / aen de plaetse Schlicht / oock af-ghebrant / ende hebben Bilsack berent / die meeste Kuyterije met Mansvelt ligghen noch ontrent Amberg.

Onderrusschen heeft den Hertoch van Beneren in den Ouer-Pfalts met accoordt in ghenomen dese naervolghende plaetsen / te weten / de Stade Cham / Neuwburg aent Waldt / Waldmunchen / Blessteyn / Kammach / Prestath / Waldeck / Eschebach / ende Craffert Werht.

Tijdinghe wt der Nieumarck.

Den Graef van Mansvelt is wederom van  
Am



Amberch verrocken naer der Neutomarck.

Tijdinghe vvt Praghe vanden 23. September.

Chaboz houdt hem noch teghen / deser daghen  
heeftmen van hier noch een groot stuck gheschuts  
ghesonden naer Chaboz / met veel Ammonitie /  
den Doct van Liechtensteyn hadde Don Baltha-  
zar eenich secours van volck beloofst te senden /  
maer en is noch niet verrocken / waer ouer Don  
Balthazar het selfde heeft ontboden / ende dooz de  
groote menichte des waters ende coude / soo zins  
der veel crancken ende siecken int Legher / Men  
heeft Chaboz aen d'eene zijde ghemineert / ende al  
soo het in dat quartier niet wel en heeft willen ge-  
lucke / soo heeftment langs een ander zijde begin-  
nen te mineren / ende alsoo haest het beloofde Se-  
courss sal moghen ghearriveert wesen / heeftmen  
vooz ghenomen Chaboz met eenen generaelen  
storm aen te tasten ende t'ouervallen .

Als gisteren heeftmen in de nacht dooz de Ken-  
serlijke Officiers in de Nieustadt twee Boheem-  
sche Edelmannen ghevanghen / bewaert ende ghe-  
sedt op het nieu Stadthuis in de nieu stad / ende  
alsoomen verstaet hadden van sinne gheweest hun  
te verwoeghen met den Graue van Mansveldt.

FRANCO.

D.C.D.W.A.